

16

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 6 1953

T5757/0421D

共二十本

封神演義

十六

第七十六回

鄭倫捉將取汜水

詩曰

萬刃車克勢莫當

風狂火聚助強梁

旗旛若焰皆逢劫

將士遭殃盡帶傷

白晝已難遮半壁

黃昏安可護三鄉

誰知督運能催命

三子逢之劍下亡

話說韓榮坐在後廳分付將士亂紛紛的搬運物件早驚動長子韓昇次子韓變二人見父親如此舉動。忙問左右曰：這是何說？左右將韓榮前事說了一遍。二人忙至後堂來見韓榮曰：父親何故欲搬運家私棄此關隘？意欲何為？



韓榮曰。你二人年幼。不知世務。快收拾離此關隘。以避兵燹。不得有慢韓昇。聽得此語。不覺失聲笑曰。父親之言。差矣。此言切不可聞于外人。空把父親一世英名。污了父親受國家高爵厚祿。衣紫腰金。封妻蔭子。無一事不是恩德。今主上以此關托重于父親。父親不思報國酬恩。捐軀盡節。反效兒女子之計。貪生畏死。遺譏後世。此豈大丈夫舉止。有負朝廷倚任大臣之意。古云。在社稷者死。社稷在。封疆者死。封疆。父親豈可輕議棄去。孩兒弟兄二人。曾蒙家訓。幼習弓馬。遇異人。頗習有異術。未曾演熟。連日正日操演。今日方完。意欲進兵。不意父親有棄關之舉。孩兒願效

一死盡忠于國也。韓榮聽罷。點頭嘆曰。忠義二字。我豈不知。但主上昏聩。荒淫不道。天命有歸。苦守此關。又恐累生民塗炭。不若棄職歸山。救此一方民耳。况姜子牙門下。又多異士。余化余元。俱罹不測。又何况其下者乎。此雖是你弟兄一番忠肝義膽。我豈不喜。只恐畫虎不成。終無補于實用。徒死無益耳。韓昇曰。父親說那裡話。食人之祿。當分人之憂。若都是自爲之計。則朝廷養士何用。不肖孩兒願捐軀報國。萬死不辭。父親請坐。俟我兄弟取一物來。與父親過目。韓榮聽罷。罷心中也。自暗喜。吾門也。出此忠義之後。韓昇到書房中。取出一物。乃是紙做的風車兒。當中有一

轉盤一隻手執定中間一竿。週圍推轉如飛。轉盤上有四首旛。旛上有符有印。又有地水火風四字。名爲萬刃車。韓榮看罷。問曰。此是孩兒家頑耍之物。有何用處。韓昇曰。父親不知其中妙用。父親如不信。且下教場中。把這紙車兒試驗試驗。與老爺看。韓榮見二子之言甚是鑿鑿有理。隨命下教場來。韓昇兄弟二人上馬。各披髮仗劍。口中念念有詞。只見雲霧陡生。陰風颯颯。火焰冲天。半空中有百萬刀刃飛來。把韓榮嚇得魂不附體。韓昇收了此車。韓榮曰。我見你是何人傳你的。韓昇曰。那年父親朝覲之時。俺弟兄閑居無事。在府前耍子。來了一個駝頭。叫做法戒。在我

府前化齋。俺弟兄就與了他一齋。他就叫我們拜他爲師。我們那時見他體貌異常。就拜他爲師。他說道。異日姜尚必有兵來。我祕授你此法寶。可破周兵。可保此關。今日正應吾師之言。定然一陣成功。姜尚可擒也。韓榮大喜。隨令韓昇收了此寶。仍問曰。我見還可用人馬。你此車約有多少。韓昇曰。此車有三千輛。那怕姜尚雄師六十萬耶。一陣管教他片甲不存。韓榮忙點三千精銳之兵。與韓昇兄弟二人在教場操演。三千萬刃車正是。

余元相阻方纔了。

又是三軍屠戮災。

話說韓昇用三千人馬。俱穿皂服。披髮赤腳。左手執車。右

手仗刀任意誅軍殺卒操練有二七日期軍士精熟那日
韓榮父子統精兵出關搦戰話說子牙只因破了余元打
點設計取關只聽得關內砲響少時探馬報入中軍稟曰
汜水關總兵韓榮領兵出關請元帥答話子牙忙傳令與
衆門人將士統大隊出營子牙會過韓榮一次那裏知道
有這場虧累去提防他子牙問曰韓將軍你時勢不知天
命不順何以爲將速速倒戈免致後悔韓榮笑曰姜子牙
倚着你兵強將勇不知你等死在咫尺之間尚敢耀武揚
威數白道黑耶子牙大怒誰與我把韓榮拿下傍有魏責
縱馬搖鎗冲殺過來韓榮腦後有兩員小將乃韓昇韓變

二人搶出陣來截住了魏責魏責大呼曰來者二將何人
韓昇曰吾乃韓總兵長男韓昇吾弟韓變是也你等恃強
欺君罔上罪惡滔天今日乃爾等絕命之地矣魏責大怒
縱馬搖鎗飛來直取韓昇韓變兩騎赴面交還未及數合
韓昇撥轉馬往後就走魏責不知是計往下趕來韓昇回
頭見魏責趕來把頂上冠除了把鎗一擺三千萬刃車殺
將出來勢如風火如何抵當只見萬刃車捲來風火齊至
怎見得好萬刃車有讚爲証

讚曰

雲迷世界霧罩乾坤
颯颯陰風沙石滾
騰騰烟焰蟒龍

奔風乘火勢黑氣平吞風乘火勢戈矛萬道怯人魂黑
氣平吞日下難觀前後士魏責中刃幾乎墜下馬鞍鞦
武吉着刀險些喪了三寸氣滑喇喇風聲捲起無情石
黑黯黯刀痕剝壞將和兵人撞人哀聲慘戚馬躡馬鬼
哭神驚諸將士慌忙亂走衆門人借遁而行慙壞了先
行元帥攪亂了武王行營那裡是青天白日恍如是黑
夜黃昏子牙今日兵遭厄地覆天翻怎太平

話說子牙被萬刃車一陣只殺的屍山血海冲過大陣來
勢不可當韓榮低頭一想計上心來以傳令鳴金收軍韓
昇韓變聽得金聲收回萬刃車子牙方得收住人馬計傷

士卒七八千有餘子牙陞帳衆將官俱在帳中彼此俱言
此一陣利害風火齊至勢不可當子牙曰不知此刃是何
名目衆將曰一派利刃漫空塞地而來風火助成勢不可
敵非若軍士可以力敵也子牙心下十分不樂納悶軍中
不表且說韓榮父子進關韓昇曰今日正宜破周擒拿姜
尚父親爲何鳴金收軍韓榮曰今日是青天白日雖有雲
霧風火姜尚門人俱是道術之士自有準備保護自身如
何得一般盡絕我有一絕後計使他不得整備黑夜裡仗
此道術使他片甲不存豈不更妙二子欠身曰父親之計
神鬼莫測正是

安心要劫周營寨

只恐高人中道來

話說韓榮打點夜劫周營收拾停當只等黑夜出關不表
 只見子牙在營納悶想利刃風火果是何物來得甚惡勢
 如山倒莫可遮攔此畢竟是截教中之惡物當日已晚子
 牙因今日不曾打點致令眾將着傷心下憂煩不曾防備
 今夜劫寨也是合該如此眾將因早間失利俱去安歇去
 了且說韓榮父子將至初更暗暗出關將三千掌萬刃車
 雄兵殺至轅門周營中雖有鹿角其如這萬刃車有風火
 助威刀如驟雨砲聲响亮齊冲至轅門誰敢抵當真是勢
 如破竹怎見得正是

四下裡火砲亂响萬刃車刀劍如梭三軍踴躍縱征鼉
 馬躡人身逕過風起處遮天迷地火來時烟飛焰裏軍
 吶喊天翻地覆將用法虎下崖坡着刀軍連聲叫苦傷
 鎗將鎧甲難馱燒着的焦頭爛額絕了命身臥沙窩姜
 子牙有法難使金木二吒也自難摹李靖難施金塔雷
 震子止保皇哥南宮适抱頭而走武成王不顧兵戈四
 賢八俊俱無用馬死人亡遍地拖正是遍地草稍含碧
 血滿田低陷叠行屍

且說韓昇韓變兄弟二人夜劫子牙行營喊聲連天冲進
 轅門子牙在中軍忽聽得劫營急自上騎左右門人俱來

中軍護衛只見黑雲密布風火交加刀刃齊下如山崩地裂之勢燈燭難支三千火車兵冲進轅門如潮奔浪滾如何抵當况且黑夜彼此不能相顧只殺得血流成渠屍骸遍野那分别人自己武王上了逍遙馬毛公遂周公旦保駕前行韓榮在陣後搥鼓催動三軍只殺得周兵七零八落君不能顧臣父不能顧子只見韓昇韓變趁勢趕子牙幸得子牙執着杏黃旗遮護了前面一段軍士將領一擁奔走韓昇韓變二人催着萬刃車往前緊趕把子牙趕得上天無路只殺到天明韓昇韓變大叫曰今日不捉姜尚誓不回兵望前越趕分付三千兵卒曰不入虎穴安得虎

子子牙見韓昇趕至無休看看至金雞領了只見前面兩杆大紅旗展子牙見是催糧官鄭倫來至其心少安且說鄭倫坐騎出山口正迎子牙忙問曰元帥爲何失利子牙曰後有追兵用的是萬刃車又有風火助威勢不可當此是左道異術你仔細且避其銳鄭倫把坐下金睛獸一磕往道邊來只見韓昇弟兄在前緊趕三千兵隨後少離半射之地鄭倫與韓昇韓變撞個滿懷鄭倫大喝曰好匹夫怎敢追吾元帥韓昇曰你來也替不得他把鎗搖動來刺鄭倫手中杆赴面交還鄭倫知他萬刃車利害只見後面一片風火兵刃擁來鄭倫知其所以只一合忙運動鼻子

內兩道白光一聲响對着韓昇兄弟二人。哼了一聲。韓昇
韓變兄弟二人坐不住鞍轡。翻下馬來。被烏鴉兵生擒活
捉。上了繩索。兄弟兩個方睜開眼時。見已被擒捉呀的一
聲。嘆曰。天亡我也。後面三千兵架車前進。見主將被擒。其
法已解。風火兵刃化爲烏有。衆兵撤回身。就跑奔回來。正
遇韓榮任意趕殺周兵。看見三千兵奔回。風火兵刃全無。
不見二子回來。忙問曰。二位小將軍安在。衆兵曰。二位將
軍趕姜子牙至一山邊。只見有將鎗出來。與二位將軍交
戰未及一合。不知怎麼跌下馬來。被他捉去。我等在後。不
一時風火兵刃全無。止有此車而已。只得敗回。幸遇老將

軍望乞定奪。韓榮聽得二子被擒。心中惶惶。不敢戀戰。只
得收兵進關。不表。且說鄭倫擒了二將來。見子牙。子牙大
喜。押在糧車上。同子牙回軍。於路遇着武王。毛公遂等衆
門人。諸將齊集。大抵是寅夜交兵。便是有道術的。也只顧
得自己。故此大折一陣。子牙問安。武王曰。孤恐乎。誰殺。幸
得毛公遂保孤。方得免難。子牙曰。皆是出之罪也。彼此安
慰。治酒壓驚。一宿不表。次日整頓雄師。復至汜水關。下扎
營。放砲。吶喊。聲振天地。韓榮聽得砲聲。營中有人打探來報
曰。啓總兵。周兵復至關下安營。韓榮大驚。周兵復至。吾子
休矣。親自上城。差官打聽。且說子牙陞帳坐下。衆將參謁

畢子牙傳令。擺五方隊伍。吾親自取關。眾將宮切齒深恨。韓昇韓變。子牙至關下。叫曰。請韓總兵。答話。韓榮在城樓上。現身大叫曰。姜子牙。你是敗軍之將。焉敢又來至此。子牙大笑曰。吾雖恨中你的奸計。此關我畢竟要取你的。你知那得勝將軍。今已被吾擒下。命兩邊左右。押過韓昇韓變來。左右將二將押過來。在馬頭前。韓榮見二子。蓬頭跣足。纏縛二臂。押在軍前。不覺痛心。忙大叫曰。姜元帥。二子無知。冒犯虎威。罪在不赦。望元帥大開慈隱。憐而釋之。吾愿獻此水。齒以報之。且韓昇大呼曰。父親不可。獻關。你乃紂王之股肱。食君之重祿。豈可惜子之命。而失臣節也。

宜緊守關隘。俟天子救兵到日。協力同心。共擒姜尚匹夫。那時碎屍萬段。為子報仇。未為晚也。我二人萬死無恨。子牙聽得大怒。令左右斬之。只見南宮适奉令。手起刀落。連斬二將于關下。韓榮見子受誅。心如刀割。大叫一聲。往城下自縊而死。可怜父子三人。捐軀盡節。千古罕及。後人有詩讚之。

詩曰。

犯水滔滔日夜流。

韓榮志與國同休。

父存臣節孤猿泣。

子盡忠貞老鶴愁。

一死依稀耐社稷。

三魂縹緲傲王侯。

如今屈指應無愧

笑殺當年見女儔

話說韓榮墜城而死城中百姓開關迎接子牙人馬進汜水關父老焚香迎接武王進帥府眾將官歡喜查點府庫錢糧停妥出榜安民武王命厚葬韓榮父子子牙傳令治酒款待有功人員在關上住了三四日且說乾元山金光洞太乙真人在碧遊床淨坐忽金霞童兒來報有白鶴童兒至此太乙真人出洞見白鶴童兒手執玉劄降臨言曰請師叔下山同會誅仙陣太乙真人望崑崙謝恩畢白鶴童子回玉虛不表且說太乙真人分付叫哪吒來哪吒慌忙來至見師父行禮畢真人曰你如今養的傷痕全愈你

先下山我隨後就來共破誅仙陣也哪吒領師命方下山真人曰你且站住當口玉虛宮掌教天尊也曾贈予三盃酒你今下山我也贈你三盃如何哪吒感謝真人命金霞童兒斟酒過來贈哪吒頭一盃酒哪吒謝過一飲而盡真人袖內取了一盃棗兒遞與哪吒

三盃酒吃了三枚棗兒真人送哪吒

火輪真人方進一盃酒

見左邊一聲响長出一盃酒

不曾說得完右邊也長出一盃酒

呆只聽得完左邊也長出一盃酒

共是八條臂膊又長

出三個頭來。那吒着箍盤盃。奈何自思且回去。問吾師父。來只待登回。這火輪。至洞門。只見太乙真人也至門首。拍掌大笑曰。奇哉奇哉。有詩為証。

詩曰

瓊漿三盞透三關。

火棗頻添壯士顏。

八臂已成神妙術。

三頭莫作等閒看。

須臾變化超凡聖。

傾刻風雷任往還。

不是西岐多異士。

只因天意惡奸讒。

那吒回來見太乙真人曰。弟子長出這些手。師父

好用兵。真人曰。牙行營有許多異士。然而有雙

者有變化者。有地行者。有奇珍者。有異寶者。今着你現三頭八臂。不負我金光洞裡所傳。此去進五關也。見周朝人物稀奇。個個俊傑。這法隱隱現現。但憑你自己心意。那吒感謝師尊恩德。太乙真人傳那吒隱現之法。那吒大喜。一手執乾坤圈。一手執混天綾。一手執金磚。兩隻手擎兩根火尖鎗。還空。三手真人又將九龍神火罩。又取陰陽劍。共成八件兵器。那吒拜辭了師父下山。逕往汜水關來。正是。余化刀傷歸洞府。今朝變化更神通。且說姜元帥在汜水關。計點軍將。收拾取介牌關。忽然想起師尊偈來。介牌關下遇誅仙。此事不知有何吉凶。且不

可妄動。又思若不進兵。恐悞了日期。正在殿上憂慮。忽報黃龍真人來至。子牙迎接至中堂。打稽手。分賓主坐下。黃龍真人曰。前邊就是誅仙陣。非可草率前進。子牙可分付門人。搭起蘆蓬席殿。迎接各處真人異士。伺候掌教師尊。方可前進。子牙聽畢。忙令南宮适武吉。起蓋蘆蓬去了。且說哪吒現了三首八臂。登風火輪。面如藍靛。髮似硃砂。丫叉叉七八隻手。走進關來。軍校不知是哪吒。現此化身。着忙飛報子牙。稟元帥外面有一個三頭八臂的將官。要進關來。請令定奪。子牙命李靖去探來。李靖出府。果見三頭八臂的人。甚是兇惡。李靖問曰。來者何人。哪吒見是李

靖。忙叫父親。孩兒是三太子哪吒。李靖大驚。問曰。你如何得此大術。哪吒把火棗之事說了一遍。李靖進殿。回子牙。備言前事。子牙大喜。傳令令來。哪吒進殿。拜見元帥。眾將觀之。無有不悅。俱來稱賀。不表。只見次日南宮适來回報。曰。稟元帥。蘆蓬俱已完備。黃龍真人曰。如今只是洞府門人去得。以下將官一槩都去不得。子牙傳下令來。諸位官將保武王緊守關隘。不得擅離。我同黃龍真人與諸門弟子前去蘆蓬伺候。掌教師尊與列位仙長會誅仙陣。如有妄動者。定按軍法。眾將領命去訖。子牙進後殿。來見武王。曰。臣先去取關大王。且同眾將住于此處。俟取了介牌關。

差官來接聖駕。武王曰：相父前途保重。子牙感謝畢，復至前殿。與黃龍真人同衆門弟子離了汜水關，行有四十里。來至蘆蓬，只見懸花結綵，齊錦鋪瑜。黃龍真人同子牙上了蘆蓬坐下。少時間只見廣成子來至，赤精子隨至。次日懼留孫、文殊廣法天尊、普賢真人、慈航道人、玉鼎真人來至。隨後有雲中子、太乙真人、清虛道德真君、道行天尊、靈寶大法師俱陸續來至。子牙一一上下迎接，俱至蘆蓬坐下。少時又是陸壓道人來至，稽首坐下。陸壓曰：如今誅仙陣會過，只是萬仙陣再會一次。吾等劫運已滿，自此歸山。再箇精進以正道果。衆道人曰：師兄之言正是如此。衆皆

默坐專候。掌教師尊不一時，只聽得空中有環珮之聲。衆仙知是燃燈道人來了，衆道人起身降階迎上，蓬來行禮坐下。燃燈道人曰：誅仙陣只在前面，諸友可曾見麼？衆道人曰：前面不見甚麼光景。燃燈曰：那一片紅氣，罩住的便是衆道人。俱起身定睛觀看，不表。且說多寶道人已知闡教門人來了，用手發一聲掌心雷，把紅氣展開，現出陣來。蘆蓬上衆仙正看，只見紅氣閃開陣，首已現。好利害殺氣騰騰，陰雲慘慘，怪霧盤旋，冷風習習，或隱或現，或昇或降。上下反覆不定。內中有黃龍真人曰：吾等今犯殺戒，該惹紅塵。既遇此陣，也當得一會。燃燈曰：自古聖人云：

只觀善地千千次

莫看人間殺伐臨

內中有十二代弟子到有八九位要去燃燈道人阻不住齊起身下了蘆蓬諸門人也隨着來看此陣行至陣前果然是驚心駭目怪氣凌人衆仙俱不肯就回只管貪看不知後事如何且聽下回分解

總批

自古忠臣義士同此血肉之軀少不得與之俱盡只這一段俠烈肝腸忠貞氣節常亘古今而不朽若韓昇韓變折父親于庭幃之中對軍前勸父親以守關之語視死如歸何等慷慨何等直捷真不愧與龍逢比干同遊何物韓榮此此佳兒不怕阿

第翁不墜城而死乃父反替阿郎成就了個好人他昆玉自是難兄難弟

又批

或曰韓昇韓變終是少年仗倚法術濟得甚事終於無濟遠不若韓榮棄職全家屬老成庶幾兩全余曰不然是非爾所知也據他對父親之私語軍前之明決片語隻字無不令人凜凜無不令人感激此是何等力量何等擔當何等果決何等明白無牽纏無罣碍真是聖人之徒天地正氣又何得而議論之只他以此術復仇者不過如人子之事父母當有疾之時雖至甚不可爲必百般周旋以

求萬一豈得坐視其死哉。是非爾所知也。或人歛
衽謝曰。命之矣。

第七十七回

老子一炁化三清

詩曰

一炁三清勢更奇。

壺中妙法貫須彌。

移來一本還生我。

運去分身莫浪疑。

誅戮散仙根行淺。

完全正果道無私。

須知順逆皆天定。

截教門人枉自癡。

話說衆門人來看誅仙陣。只見正東上掛一口誅仙劍。正
南上掛一口戮仙劍。正西上掛一口伯仙劍。正北上掛一
口絕仙劍。前後有門有戶。殺氣森森。陰風颯颯。衆人貪看。
只聽得裡面作歌。

兵戈劍戈。怎脫誅仙禍。情魔意魔。反起無明火。今日難
過。死生在我。玉虛宮招災惹禍。穿心寶鎖。回頭纔知往
事。訛咫尺。起風波。這番怎逃躲。自倚才能。早晚遭折挫。
話說多寶道人在陣內作歌。燃燈曰。衆道友。你們聽聽。作
的歌聲。豈是善良之輩。我等且各自回蘆蓬。等掌教師尊
來自。有處治。話猶未了。方欲回身。只見陣內多寶道人仗
劍一躍而出。大呼曰。廣成子。不要走。吾來也。廣成子大怒。
曰。多寶道人。如今又是在你碧遊宮倚你人。多再三欺我。
况你掌教師尊分付過。你等全不遵依。又擺此誅仙陣。我

等既犯了殺戒。畢竟你等俱在劫數之內。故造此業障耳。
正所謂閻羅註你三更死。怎肯留人到五更。廣成子仗劍
來取多寶道人。道人手中劍。赴面交還。怎見得。

仙風陣陣滾塵沙。四劍恁迎影亂斜。一個是玉虛宮內
真人輩。一個是截教門中根行差。一個是廣成不老神
仙體。一個是多寶西方拜釋迦。二教只因逢殺運。誅仙
陣上亂如麻。

話說廣成子祭起番天印。多寶道人躲不及。一印正中後
心。撲的打了一跌。多寶道人逃回陣中去了。燃燈曰。且各
自回去。再作商議。衆仙俱上蘆蓬坐下。只聽得半空中仙

樂齊鳴異香縹緲從空而降衆仙下蓬萊迎掌教師尊只見元始天尊坐九龍沉香輦馥馥香烟氤氳遍地正是

提爐對對烟生霧

羽扇分開白鶴朝

話說燃燈衆人明香引道接上蘆蓬元始坐下諸弟子拜畢元始曰今日誅仙陣上纔分別得彼此元始上坐弟子侍立兩邊至子時正元始頂上現出慶雲垂珠瓔珞金花萬朵絡繹不斷遠近照耀多寶道人正在陣中打點看見慶雲升起知是元始降臨白思此陣必須吾師尊來至方可爲之不然如何抵得過他次日果見碧遊宮通天教主來了半空中仙音響亮異香襲襲隨侍有大小衆仙來的

是截教門中師尊怎見他的好處有詩爲証

詩曰

鴻鈞生化見天開

地丑人寅上法臺

煉就金身無量劫

碧遊宮內育多才

話說多寶道人見半空中仙樂響亮知是他師尊來至忙出陣拜迎進了陣上了八卦臺坐下衆門人侍立臺下有上四代弟子乃多寶道人金靈聖母吾當聖母龜靈聖母又有金光仙烏雲仙毘蘆仙靈牙仙虬首仙有金箍仙長耳定光仙相從在此通天教主乃是掌截教之鼻祖修成五氣朝元三花聚頂也是萬劫不壞之身至子時五炁冲

空燃燈已知。截教師尊來至。次日天明。燃燈來啓曰。老師今日可會誅仙陣麼。元始曰。此地豈吾人居住之所。分付弟子排班。赤精子對廣成子。太乙真人對靈寶大法師。清虛道德真君對懼留孫。文殊廣法天尊對普賢真人。雲中子對慈航道人。玉昇真人對道行天尊。黃龍真人對陸壓。燃燈同子牙在後。金木二吒執提爐。韋護與雷震子並列。李靖在後。哪吒先行。只見誅仙陣內。金鍾響處。一對旗開。只見奎牛上坐的是通天教主。左右立諸代門人。通天教主見元始天尊打稽首曰。道兄請了。元始曰。賢弟爲何設此惡陣。這是何說。當時在你碧遊宮。共議封神榜。當面彌封。

立有三等根行深者。成其仙道。根行稍次。成其神道。根行淺薄。成其人道。仍隨輪回之劫。此乃天地之生化也。成湯無道。氣數當終。周室仁明。應運當興。難道不知。反來阻逆。姜尚有背上天垂象。且當日封神榜內。應三百六十五度。分有八部。列宿羣星。當有這三山五岳之人在數。賢弟爲何出乎反乎。自取失信之愆。况此惡陣立名。便自可惡。只誅仙二字。可是你我道家所爲的事。且此劍立有誅戮陷絕之名。亦非是你我道家所用之物。這是何說。你作此過端。通天教主曰。道兄不必問我。你只問廣成子。便知我的本心。元始問廣成子曰。這事如何說。廣成子把三謁碧遊

宮的事說了一遍。通天教主曰：廣成子，你曾罵我的教下，不論是非，不分好歹。縱羽毛禽獸，亦不擇而教，一體同觀。想吾師一教傳三友，吾與羽毛禽獸相並，道兄難道與我不是。一本相傳，元始曰：賢弟，你也莫怪廣成子，其實你門下胡爲亂做，不知順逆，一味恃強，人言獸行，况賢弟也不擇是何根行，一意收留，致有彼此搬鬪，是非令生靈塗炭。你心忍乎？通天教主曰：據道兄所說，只是你的門人有理，連罵我也是該的。不念一門手足罷了，我已擺了此陣。道兄就破吾此陣，便見高下。元始曰：你要我破此陣，這也不難。待吾自來，見你此陣。通天教主堯回奎牛，進了幾仙。

門衆門人隨着進去，一看元始進來，破此陣，正是

截闡道德皆正理。

方知兩教不虛傳。

話說元始在九龍沉香輦上，扶住飛來，徐徐行至正東震地，乃誅仙門門上掛一口寶劍，名曰誅仙劍。元始把輦一拍，命四揭諦神撮却輦來，四鄰生有四枝金蓮花，花瓣上生光，光上又生花。一時有萬朵金蓮，照在空中。元始坐在當中，逕進誅仙陣門來。通天教主發一聲掌，心雷震動，那一口寶劍一幌，好生利害。雖是元始頂上，還飄飄落下。一朵蓮花來，元始進了誅仙門裏邊，又是一層，名爲誅仙關。元始從正南上往，裏走至正西，又在正北坎地上看了。

一遍元始作一歌以笑之

歌曰

好笑通天有厚顏。空將四劍掛中間。枉勞用盡心機術。獨我縱橫任往還。

話說元始依舊還出東門而去。眾門人迎接上了蘆蓬。燃燈請問曰：老師此陣中，有何光景？元始曰：看不得。南極仙翁曰：老師既入陣中，今日如何不破了他的讓？姜師弟好東行。元始曰：古云先師次長，雖然吾掌此教，况有師長在前，豈可獨自專擅？候大師兄弟自有道理說語。未了，只聽得半空中一派仙樂之聲，異香繚繞，板角青牛上坐一聖人。

有玄都大法師牽住此牛，飄飄落下來。有元始天尊，率領眾門人前來迎接。怎見得，有詩為証。

詩曰

不二門中法更玄。

汞鉛相見結胎仙。

未離母腹頭先白。

纔到神霄氣已全。

室內煉丹攬戊巳。

爐中有藥奪先天。

生成八景宮中客。

不記人間幾萬年。

話說元始見太上老君駕臨，同眾門人下蓬迎接。二人携手上蓬坐下。眾門人下拜侍立兩傍。老子曰：通天賢弟，擺此誅仙陣，反阻周兵，使姜尚不得東行，此是何意？吾因此

來問他看他有甚麼言語對我元始曰今日貧道自尊先
進他陣中走了一遭未曾與他較量老子曰你就破了他
的罷了他肯相從就罷他若不肯相從便將他拿上紫霄
宮去見老師看他如何講二位教主坐在蓬上俱有慶雲
彩氣上通於天把介牌關照耀通紅至次日天明通天教
主傳下法旨令衆門人排班出去大師兄也來了看他今
日如何講多寶道人同衆門人擊動了金鐘玉磬逕出誅
仙陣來請老子答話哪吒報上蓬來少時蘆蓬裡香烟靄
靄瑞彩翩翩你看老子騎着青牛而來怎見得有詩爲証

詩曰

騎牛遠遠過前村。

短笛仙音隔隴聞。

闢地開天爲教主。

爐中煉出錦乾坤。

話說老子至陣前通天教主打稽首曰道兄請了老子曰
賢弟我與你三人共立封神榜乃是體上天應運劫數你
如何反阻周兵使姜尚有違天命通天教主曰道兄你休
要執一偏向廣成子三進碧遊宮面辱吾教惡語詈罵犯
上不守規矩昨日二兄堅意只向自己門徒反滅我等手
足是何道理今兄長不責自己弟子反來怪我此是何意
如若要我釋怨可將廣成子送至我碧遊宮等我發落我
便甘休若是半字不肯任憑長兄施爲各存二教本領以

决雌雄老子曰似你這等說話。反是不偏向的你偏聽門人背後之言。徹動無明之火。擺此惡陣。殘害生靈。莫說廣成子未必有此言語。便有也。罪不致此。你就動此念頭。悔却初心。有逆天道。不守清規。有犯嗔痴之戒。你趁早聽我之言。速速將此陣解釋。回守碧遊宮。改過前愆。尚可容你。還掌截教。若不聽吾言。拿你去紫霄宮。見了師尊。將你貶入輪迴。永不能再至碧遊宮。那時悔之晚矣。通天教主聽罷。須彌山紅了半邊。修行眼雙睛。烟起大怒。叫曰。李聘我。和你一體同人。總掌二教。你如何這等欺滅我。偏心護短。一意遮飾。將吾搶白。難道我不如你。吾已擺下此陣。斷不

與你甘休。你敢來破吾此陣。老子笑曰。有何難哉。你不可後悔。正是

元始大道今舒展。

方顯玄都不二門。

老子復又曰。既然要吾破陣。我先讓你進此陣。運用停當。我再進來。毋令得你手慌脚亂。通天道人。大怒曰。任你進吾陣來。吾自有擒你之處。道罷。通天道人。隨兜奎牛。進陷仙門去。在陷仙闕下。等候老子。老子將青牛。一拍往西方。兌地來。至陷仙門下。將青牛催動。只見四足祥光。白霧紫氣。紅雲騰騰而起。老子又將太極圖。抖開。化一座金橋。昂然入陷仙門來。老子作歌。

歌曰

玄黃外兮拜明師。混沌時兮任我爲。五行兮在吾掌握。大道兮度進羣迷。清靜兮修成金塔。閑遊兮曾出關西。兩手包羅天地外。腹安五岳共須彌。

話說老子歌罷。逕入陣來。且說通天教主。見老子昂然直人。却把手中雷放出。一聲響亮。震動了陷仙門上的寶劍。這寶劍一動。任你人仙首落。老子大笑曰。通天賢弟。少得無禮。看吾扁拐劈面打來。通天教主見老子進陣如入無人之境。不覺滿面通紅。遍身火發。將手中劍火速忙迎。正酣戰間。老子笑曰。你不明至道。何以言立教宗。又一扁拐

照臉打來。通天教主大怒曰。你有何道術。敢逆誅我的門徒。此恨怎消。將劍攬拐。二聖人戰在誅仙陣內。不分上下。敵開數番。正是

邪正逞胸中妙訣。

水清處方顯魚龍。

話說二位聖人戰在陷仙門裡。人人各自施威。方至半個時辰。只見陷仙門裡八卦臺下。有許多截教門人。一個個睜睛豎目。那陣內四面八方雷鳴風吼。電光閃灼。霧氣昏迷。怎見得有讚爲証。

讚曰

風氣呼喙乾坤蕩漾。雷聲激烈震動山川。電掣紅綃鑽

雲飛火霧迷日月。大地遮漫風刮得。沙塵掩面雷驚得。
虎豹藏形電閃得。飛禽亂舞霧迷得。樹木無踪那風只。
攪得通天河波翻浪滾。那雷只震得介牌關地裂山崩。
那電只閃得誅仙陣衆仙迷眼。那霧只迷得蘆蓬下失。
了門人。這風真是推山轉石松篁倒。這雷真是威風凜。
冽震人驚。這電真是流天照野金蛇走。這霧真是瀰瀰。
漫漫蔽九重。

話說老子在陷仙門大戰自己頂上現出玲瓏寶塔在空。
中那怕他雷鳴風吼老子自思他只知仗他道術不知守。
已修身我也顯一顯玄都紫府手段與他的門人看看把。

青牛一搦跳出圈子來把魚尾冠一推只見頂上三道炁。
出化爲三清老子復與通天教主來戰。只聽得正東上一。
聲鐘響來了一位道人戴九雲冠穿大紅白鶴絳緇衣騎。
白猱而來手仗一口寶劍大呼曰李道見吾來助你一臂。
之力通天教主認不得隨聲問曰那道者是何人道者答。
曰吾有詩爲証。

詩曰

混元初判道爲先

常有常無得自然

紫氣東來三萬里

函關初度五千年

道人作罷詩曰吾乃上清道人是也仗手中劍來取通天

教主不知上清道人出于何處慌忙招架只聽得正南上
又有鐘響來了一位道者戴如意冠穿淡黃八卦衣騎天
馬而來一手執靈芝如意大呼曰李道兄吾來佐你共伏
通天道人把天馬一撻仗如意打來通天教主問曰來者
何人道人曰我也認不得還稱你做截教之主聽吾道來

詩曰

函關初出至崑崙

一統華夷屬道門

我體本同天地老

須彌山倒性還存

吾乃玉清道人是也通天教主不知其故自古至今鴻鈞
一道傳三友上清玉清不知從何教而來手中雖是招架

心中甚是疑惑正尋思未已正北上又是一聲玉磬響來
了一位道人戴九霄冠穿八寶萬壽紫霞衣一手執龍鬚
扇一手執三寶玉如意騎地吼而來大呼李道兄貧道來
輔你共破陷仙陣也通天教主又見來了這一位蒼顏鶴
髮道人心上不安忙問曰來者何人道人曰你聽我道來

詩曰

混沌從來不許年

鴻濛剖處我居先

參同天地玄黃理

任你傍門望眼穿

吾乃太清道人是也四位天尊圍住了通天教主或上或
下或左或右通天教主止有招架之功且說截教門人見

三位來的道人。身上霞光萬道。瑞彩千條。光輝燦爛。映目射眼。內有長耳定光仙。暗思好一個闡教來得畢竟正氣。深自羨慕。不知後事如何。且聽下回分解。

總批

余常笑世人耳朶軟。專信婆子搬唆。無有丈夫志。今見通天教主。為神仙領袖。猶自聽徒弟戳舌。便動無明之火。連自己做的事。都反悔了。不但不可做神仙。連丈夫也做不過。世人所以怕老婆。故不敢不聽其指使。難道神仙怕徒弟不成。果徒弟平老婆乎。余不解此意。請問有徒弟者。

又批

常聞人說道。人心最狠。余尚未深信斯言。今見通天教主。所有戮仙。貽仙。誅仙。絕仙。四劍。利害不可當。雖老子元始二天尊。猶自凜然。其餘散仙。則不敢攖其鋒矣。似如此毒惡之劍。豈是慈悲者所蓄之物。噫。當年之鼻祖如此。其流派更甚。有以哉。

少。必。新。當。平。之。是。脈。收。此。其。氣。必。更。甚。亦。以。時。
 煩。對。其。餘。矣。以。賦。此。毒。惡。之。險。豈。其。甚。哉。其。惡。者。
 當。歸。未。于。示。敬。二。天。尊。誰。自。察。然。其。前。雖。而。眼。不。
 天。姓。主。視。百。變。而。此。特。出。此。險。味。亦。不。
 常。聞。入。焉。豈。人。亦。並。其。余。尚。未。將。語。謂。言。今。且。

又批

第七十八回

三教會破誅仙陣

詩曰

誅仙惡陣四門排。

黃霧狂風雷火借。

遇劫黃冠遭劫運。

墮塵羽士盡塵埋。

劍光徒有吞神骨。

符印空勞吐黑霾。

縱有通天無上法。

時逢聖主應多乖。

話說老子一炁化的三情。不過是元炁而已。雖然有形有
 色。裹住了通天教主。也不能傷他。此是老子氣化分身之
 妙。迷惑通天教主。竟不能識。老子見一炁將消。在青牛上
 作詩一首。

詩曰

先天而老後天生。

借李成形得姓名。

曾拜鴻鈞修道德。

方知一炁化三清。

話說老子作罷詩。一聲鐘響。就不見了三位道人。通天教主心下愈加疑惑。不覺出神。被老子打了二三扁拐。多寶道人見師父受了虧。在八卦臺作歌而來。

歌曰

碧遊宮內談玄妙。豈忍吾師扁拐傷。只今舒展胸中術。且與師伯做一場。

歌罷大叫師伯吾來了。好多寶道人仗劍飛來直取老子。

笑曰米粒之珠也。放光華把扁拐架劍。隨取風火蒲團。祭起空中。命黃巾力士將此道人拿去。放在桃園。俟吾發落。黃巾力士將風火蒲團把多寶道人捲將去了。正是

從今棄邪歸正道。

他與西方却有緣。

且說老子用風火蒲團把多寶道人拿往玄都去了。老子竟不戀戰。出了陷仙門。來至蘆蓬。眾門人與元始迎接坐下。元始問曰。今日入陣道。見見裡面光景如何。老子笑曰。他雖擺此惡陣。急切也難破他的。被吾打了二三扁拐。多寶道人被吾用風火蒲團拿在玄都去了。元始曰。此陣有四門。得四位有力量的方能破得。老子曰。我與你只顧得

兩處還有兩處。非衆門人所敢破之陣。此劍你我不怕。別人怎麼經得起。正議論間。忽見廣成子來。稟曰。二位老師。外面有西方教下。準提道人來至。老子笑曰。道兄此來。無非爲迎接。請上蓬萊。叙禮畢。坐下。老子笑曰。道兄此來。無非爲破誅仙陣。來收西方有緣。只是貧道正欲借重。不意道兄先來。正合天數。妙不可言。準提道人曰。不瞞道兄說。我那西方花開見人。人見我。因此貧道來東南兩土。未遇有緣。又幾番見東南二處。有數百道紅氣冲空。知是有緣。貧道借此而來。渡得有緣。以典西法。故不辭跋涉。會一會截教門下諸友也。老子曰。今日道友此來。正應上天垂象之兆。

準提道人問曰。這陣內有四口寶劍。俱是先天妙物。不知當初如何落在截教門下。老子曰。當時有一分寶巖。吾師分寶鎮壓各方。後來此四口劍。就是我通天賢弟得去。已知他今日用此作難。雖然衆仙有厄。原是數當如此。如今道兄來得恰好。只是再得一位。方可破此陣耳。準提道人曰。既然如此。總來爲渡有緣。待吾去請我教主來。正應三教會誅仙。分辨玉石。老子大喜。準提道人辭了老子。往西方來。請西方教主。接引道人共遇有緣。正是

佛光出在周王世。

典在明章釋教開。

且說準提來至西方。見了接引道人。打稽首坐下。接引道

人曰。道友往東土去。爲何回來太速。準提道人曰。吾見紅光數百道。俱出闡截二教之門。今通天教主。擺一誅仙陣。陣有四門。非四人不能破。如今有了三位。還少一位。貧道特來請道兄去走一遭。以完善果。西方教主曰。但我自未曾離清淨之鄉。恐不諳紅塵之事。有悞所委。反爲不美。準提曰。道兄。我與你俱是自在無爲。豈有不能破。那有象之陣。道兄不必推辭。須當同往。接引道人如準提道人之言。同往東土而來。只見足踏祥光。霎時而至。蘆蓬廣成子來稟老子與元始曰。西方二位尊師至矣。老子與元始率領衆門人下蓬來迎接。見一道人。身高丈六。但見

大仙赤腳棗梨香。

足踏祥雲更異常。

十二蓮臺演法寶。

八德池邊現白光。

壽同天地言非謬。

福比洪波語豈狂。

修成舍利名胎息。

清閑極樂是西方。

話說老子與元始迎接接引。準提上了蘆蓬。打稽首坐下。老子曰。今日敢煩。就是三教會盟。共完劫運。非吾等故作此孽障耳。接引道人曰。貧道來此。會有緣之客也。是欲了冥數。元始曰。今日四友俱全。當早破此陣。何故在此紅塵中擾攘也。老子曰。你且分付衆弟子。明日破陣。元始命玉鼎真人。道行天尊。廣成子。赤精子。你四人伸手過來。元始

各書了一道符印在手心裡。明日你等見庫內雷響。有火光冲起。齊把他四口劍摘了。我自妙用。四人領命站退去了。又命燃燈你站在空中。若通天教主望上走。你可把定海珠往下打他。自然着傷。一來也知我闡教道法無邊。元始分付畢。各自安息。不言。只等次日黎明。衆門人排班。擊動金鍾玉磬。四位教主齊至誅仙陣前。傳令命左右報與通天教主。我等來破陣也。左右飛報進陣。只見通天教主領衆門人齊出。戮仙門來。迎着四位教主。通天教主對接引準提道人曰。你二位乃是西方教下清淨之鄉。至此地意欲何爲。準提道人曰。俺弟兄二人雖是西方教主。特

往此處來。遇有緣道友。你聽我道來。

身出蓮花清淨臺。

三乘妙典法門開。

玲瓏舍利超凡俗。

瓔珞明珠絕世埃。

八德池中生紫焰。

七珍妙樹長金苔。

只因東土多英俊。

來遇前緣結聖胎。

話說接引道人說罷。通天教主曰。你有你西方。我有我東土。如水火不同居。你爲何也來惹此煩惱。你說你蓮花化身清淨無爲。其如五行變化。立竿見影。你聽吾道來。

混元正體合先天。

萬劫千番只自然。

渺渺無爲傳大法。

如如不動號初玄。

爐中久煉全非汞。
變化無窮還變化。

物外長生盡屬乾。
西方佛事屬逃禪。

話說準提道人曰。通天道友。不必誇能鬪舌。道如淵海。豈在口言。只今我四位至此。勸化你。快收了此陣。何如。通天教主曰。既是四位至此。畢竟也見個高下。通天教主說罷。竟進陣去了。元始對西方教主曰。道兄。如今我四人各進一方。以便一齊攻戰。接引道人曰。吾進離宮。老子曰。吾進兌方。準提曰。吾進坎地。元始曰。吾進震方。四位教主各分方位而進。且謨元始先進震方。坐四不相。遙進誅仙門八卦臺上。通天教主手發雷聲。震動誅仙寶劍。那劍晃動。元

始頂上慶雲迎住。有千朵金花瓔珞垂珠絡繹不絕。那劍如何下得來。元始進了誅仙門。立于誅仙闕。只見西方教主進離宮。乃是戮仙門。通天教主也發雷震。那寶劍接引道人頂上現出三顆舍利子。射住了戮仙劍。那劍如釘釘一般。如何下來得。西方教主進了戮仙門。至戮仙闕立住。老子進西方陷仙門。通天教主又發雷震。那陷仙劍只見老子頂上現出玲瓏寶塔。萬道光華射住陷仙劍。老子進了陷仙門。也在陷仙闕立住。準提道人進絕仙門。只見通天教主發一聲雷。震動絕仙劍。準提道人手執七寶妙樹。上邊放出千朵青蓮射住了絕仙劍。也進了絕仙門。來至

了絕仙關。四位教主齊進關前。老子曰：通天教主，吾等齊進了。你誅仙陣，你意欲何為？老子隨手發雷，震動四野。誅仙陣內，一股黃霧騰起，迷住了誅仙陣。怎見得：

騰騰黃霧，艷艷金光。騰騰黃霧，誅仙陣內似噴雲。艷艷金光，八卦臺前如氣。舉劍戟戈矛，渾如鉄桶。東西南北，恰似銅牆。此正是截教神仙，施法力通天教主，顯神通。混眼迷天，遮日月。搗風噴火，撼江山。四位聖人齊會此劫數，相遭豈易逢。

且說四位教主齊進四關之中。通天教主仗劍來取接引道人。接引道人手無寸鉄，只有一拂塵架來。拂塵上有五

色蓮花，朵朵托劍。老子舉扁拐，紛紛的打來。元始將三寶玉如意，架劍亂打。只見準提道人把身子搖動，大呼曰：道友快來！半空中又來了孔雀明王，準提現出法身，有二十四首，十八隻手，執定了瓔珞傘蓋，花貫魚腸，金弓銀戟，加持神杵。寶銼金瓶，把通天教主裏在當中。老子扁拐夾後心，就一扁拐，打的通天教主三昧真火，冒出元始祭二寶玉如意來，打通天教主。通天教立方纔招架。玉如意不防被準提一加持杵，打中通天教主。翻鞍滾下奎牛。教主就借土遁而起，不知燃燈在空中等候。纔待上時，被燃燈一定海珠，又打下來。陣內雷聲且急，外面四仙家各有符印。

在身奔入陣中。廣成子摘去誅仙劍。赤精子摘去戮仙劍。玉鼎真人摘去陷仙劍。道行天尊摘去絕仙劍。四劍既摘去。其陣已破。通天道人獨自逃歸。衆門人各散去了。且說四位教主破了誅仙陣。元始作詩以笑之。

詩曰

堪笑通天教不明。

千年掌教陷羣生。

仗伊黨惡汚仙教。

番聚邪宗枉橫行。

寶劍空懸成底事。

元神虛耗竟無名。

不知順逆先遭辱。

猶欲鴻鈞說反盈。

話說四位教主上了蘆蓬坐下。元始稱謝西方教主曰。爲

我等門人犯戒。動勞道兄扶持得完此劫數。尚容稱謝。老子曰。通天教主逆天行事。自然有敗。而無勝。你我順天行事。天道福善禍淫。毫無差錯。如燈取影耳。今此陣已破。你等劫數將完。各有好處。姜尚你去取關。吾等且回山去。衆門人俱別過姜子牙。隨四位教主各回山去了。子牙送別師尊。自回汜水關。來會武王。衆將官來見元帥。至帥府。參見武王。王曰。相父遠破惡陣。諒有衆仙。孤不敢差人來問候。子牙謝恩畢。對曰。荷蒙聖恩。仰仗天威。三教聖人親至。其破了誅仙陣。前至介牌關了。請大王明日前行。武王傳旨。治酒賀功。不表。又說通天教主被老子打了一扁拐。又

被準提道人打了一加持寶杵吃了一場大虧。又失了四口寶劍。有何面目見諸大弟子。自思不若往紫芝崖立一壇拜一惡幡。名曰六魂幡。此幡有六尾。尾上書接引道人。準提道人老子元始。武王姜尚。六人姓名。早晚用符印。俟拜完之日。將此幡搖動。要壞六位的性命。正是

左道克心今不息。

枉勞空拜六魂幡。

不表通天道人拜幡。後在萬仙陣中用。且說介牌關徐蓋。陞了銀安殿。與衆將商議曰。方今周兵取了汜水關。駐兵不發。前日來的那多寶道人。擺甚誅仙陣。也不知勝敗。如今且修本差官往朝歌去。取救兵來。共守此關。只見差官

領了本章往朝歌來。一路無詞。渡了黃河。進了朝歌城。至午門下馬。到文書房。那日是箕子看本。見徐蓋的本。大驚。姜尚兵進汜水關。取左右青龍關。佳夢關。兵至介牌關。事有燃眉之急。箕子忙抱本來見紂王。往鹿臺來當駕官奏知。箕子候旨。紂王曰。宣來。箕子上臺拜罷。將徐蓋本進上。紂王覽本。驚問箕子曰。不道姜尚作反。侵奪孤之關隘。必須點將協守。方可阻其大惡。箕子奏曰。如今四方不寧。姜尚自立武王。其志不小。今率兵六十萬來寇五關。此心腹大患。不得草草而已。愿皇上且停飲樂。以國事爲本。社稷爲重。愿皇上察焉。紂王曰。皇伯之言是也。朕與衆卿共議。

點官協守箕子下臺。紂王悶悶不悅，無心懽暢。忽妲己胡喜，妹出殿見駕，行禮坐下。妲己曰：「今日聖上雙鎖眉頭，鬱鬱不樂，却是為何？」王曰：「御妻不知，今日姜尚與師侵犯關隘，已占奪三關，實是心腹之大患。況四方刀兵蜂起，使孤心下不安，為宗廟社稷之慮。故此憂心。」妲己笑而奏曰：「陛下不知下情，此俱是邊庭武將鑽刺網架言周兵六十萬來犯關庭，用金賄賂大臣，誣奏陛下。陛下必發錢糧支應，故此守關將官冒破支消，空費朝廷錢糧。實為有私，何常有兵侵關，正為裡外欺君情實。可恨紂王聞奏，深信其言有理。因問妲己曰：「倘守關官復有本章，何以批發？」妲己

曰：「不必批發，只將齊本官斬了一員，以警將來。」紂王大喜，遂傳旨將齊本官梟首，號令于朝歌。正是

妖言數句江山失。

一統華夷盡屬周。

話說紂王信妲己之言，忙傳旨意將介牌關走本官，即將斬首。號令箕子知之，忙至內庭來見紂王。皇上為何而殺，使命王曰：「皇伯不知邊庭鑽刺詐言，周兵六十萬無非為冒支府庫錢糧之計。此乃是內外欺君，理當斬首以戒將來。」箕子曰：「姜尚與兵六十萬，自三月十五日金臺拜將天下盡知，非是今日之奏。皇上殺介牌關走使，不致緊要，退邊庭將士之心。」王曰：「料姜尚不過一術士耳，有何大志，况

且還有四關之險。黃河之隔。孟津之阻。豈一旦而被小事所惑也。皇伯放心。不必憂慮。箕子長吁一聲。而出。看着朝歌宮殿。不覺潸然淚下。嗟嘆社稷丘墟。箕子在九間殿作詩以歎之。

詩曰

憶昔成湯放桀時。

諸侯八百盡歸斯。

誰知六百餘年後。

更甚南巢幾倍奇。

諺言箕子作罷詩。回府不表。且說姜元帥在汜水關點人馬進征。來辭武王子牙。見武王曰。老臣先去取了介牌關。差官請駕。王曰。但愿相父早會諸侯。孤之幸矣。子牙別了。

武王一聲砲響。人馬往介牌關進發。只離八十里。來之甚快。正行間。只見探馬報入中軍。已至介牌關下。子牙傳令安營。點砲吶喊。話說徐蓋已知關外周兵安營。隨同衆將上城來看。周兵一派。盡是紅旗。鹿角森嚴。兵威甚肅。徐蓋曰。姜子牙乃崑崙羽士。用兵自有調度。營寨大不相同。傍有先行官王豹。彭遵答曰。主將休誇他人本領。看末將等成功。定拿姜尚。解上朝歌。以正國法。言罷。各自下城。準備廝殺。只見次日子牙問帳下那員將官。關下見頭功。帳下應聲而出。乃是魏賁。曰。末將愿往。子牙許之。魏賁上馬提鎗出營。至關下。搦戰。有報馬報入關上。曰。啓主帥。關下有

周將討戰。徐蓋曰：衆將官在此，我等先議後行。紂王聽信讒言，殺了差官，是自取滅亡，非爲臣不忠之罪。今天下已歸周武，眼見此關難守，衆將不可不知。彭遵曰：主將之言差矣。况吾等俱是紂臣，理當盡忠報國，豈可一旦忘君，徇私古云：食君祿而獻其地，是不忠也。未將寧死不爲，愿效犬馬以報君恩。言罷，隨上馬出關，見魏賁連人帶馬，渾如一塊烏雲，怎見得

幞頭純墨染，抹額襯纓紅。皂袍如黑漆，鐵甲似蒼松。鋼鞭懸塔影，寶劍插冰峰。人如下山虎，馬似出海龍。子牙門下客，驍將魏賁雄。

話說彭遵見魏賁大呼曰：周將通名來。魏賁曰：吾乃掃蕩成湯天保大元帥姜桓楚左哨先鋒魏賁是也。你乃何人？若是知機，早獻關隘，共扶周室，如不倒戈，城破之日，玉石俱焚，悔之晚矣。彭遵大怒罵曰：魏賁，你不過馬前一匹夫，敢出大言，搖鎗催馬直取魏賁手中鎗。赴面相迎，兩馬相交，雙鎗併舉，一場大戰。好魏賁鎗力勇猛，戰有三十回合。彭遵戰不過魏賁，掩一鎗往南敗走。魏賁見彭遵敗走，縱馬趕來。彭遵回顧，見魏賁趕下陣來，慌忙掛下鎗，囊中取出一物往地下撒來。此物名曰蓋蒼陣，接三才八卦方位，布成一陣。彭遵先進去了。魏賁不知將馬趕進陣來。彭遵在

馬上發手一個雷聲。把蓋蒼陣震動。只見一陣黑烟迸出。一聲響。魏賁連人帶馬。榨得粉碎。彭遵掌得勝鼓。進關報馬報入中軍。啓元帥。魏賁連人帶馬。榨爲蓋粉。子牙聽罷。嘆曰。魏賁忠勇之士。可憐死于非命。情實可憫。子牙着實傷悼。彭遵進關來見徐蓋。將壞了魏賁得勝事。說了一遍。徐蓋權爲上了功蹟。次日徐蓋對衆將曰。關中糧草不足。朝廷又不點將協守。昨日雖則勝了他一陣。恐此關終難守耳。正議之間。報有周將搦戰。王豹曰。未將愿往上馬提戟開關。見一員周將連人帶馬。純是一片青色。王豹曰。周將何名。蘇護曰。吾乃冀州侯蘇護是也。王豹曰。蘇護你乃

天下至無情無義之夫。你女受椒房之寵。身爲國戚。滿門俱受皇家富貴。不思報本。反助武王逆叛。侵故主之關隘。你有何面目立于天地之間。催開馬。搖戟來取蘇護。蘇護手中鎗赴面來迎。二馬相交。戟鎗併舉。蘇護正戰。王豹傍有蘇全忠。趙丙。孫子羽。三將一齊上來。把王豹圍在垓心。王豹如何敵得生。自料寡不敵衆。把馬跳出圈子。就走。趙丙隨後趕來。正趕之間。被王豹回手一個劈面雷。打在臉上。可憐隨駕東征。未曾受武王封爵之賞。趙丙翻下鞍轡。孫子羽急來救時。王豹又是一個雷放來。此劈面雷甚是利害。有雷就有火。孫子羽被雷火傷了面門。翻下馬來。早

被王豹一戟一箇皆被刺死。蘇家父子不敢向前。王豹也知机。掌鼓進關。回見徐蓋。連誅二將。得勝回兵。慶喜不表。且說蘇護父子進營來見子牙。備言損了二將。子牙曰：你父子久臨戰場。如何不知進退。致損二將。蘇全忠曰：元帥在上。若是馬上征戰。自然好招架。今王豹以幻術發手。有雷有火。打在臉上。就要燒壞面門。怎經得起。故此二將失利。子牙曰：誤喪忠良。實爲可恨。次日子牙曰：衆門人誰去關下走遭言未畢。有雷震子曰：弟子愿往。子牙許之。雷震子出營至關下。搦戰報馬。報入關中。徐蓋問誰去見陣。走一遭。彭遵領令出關。見雷震子十分兇惡。面如藍靛。巨口

赤髮獠牙。上下橫生。彭遵大呼曰：來者何人。雷震子曰：吾乃武王之弟。雷震子是也。彭遵不知雷震子。脇有雙翅。搖手中鎗。催開馬來。取雷震子。雷震子把風雷翅飛起。使開黃金棍。劈頭打來。彭遵那裡招架得住。撥馬就走。雷震子見他詐敗。忙將翅飛起。趕來甚急。劈頭一棍。彭遵馬遲。急架時。正中肩窩上。打翻馬下。梟了首級。進營來見子牙。子牙上了雷震子功勳簿。且說探馬報入關中。彭遵陣亡。將首級號令轅門。徐蓋曰：此關終是難守。我知順逆。你們只欲強恃。王豹聽說。主將不必性急。待我明日戰。不過時。任憑主將處治。徐蓋默然不語。王豹竟回私宅去了。不知後

事如何。且聽下回分解。

總批

破誅仙陣一段。大有許多慧解。分明指點世人。你看他四位教主。進此四門。只有自家本身寶貝。可以當得住。若是衆門人。便先問師父。討註脚。不知師父原替不得他。所以今人只向別人身上尋思。忘却自家至寶。所以不能自做主張。

又批

彭遵王豹。雖未曾做過事業。然而其志可嘉。其情可矜。不得以成敗論英雄。

第七十九回

穿雲關四將被擒

詩曰

一關已過一關逢

法寶多端勢更兇

法界引魂成往事

龍安酥骨又來註

幾多險處仍須吉

若許能時總是空

堪笑徐芳徒逆命

枉勞心思竟何從

話說徐蓋當晚。默默退歸後堂。不提。只見次日。王豹也不

來見主將。竟領兵出關。往周營搦戰。報馬報入中軍。子牙

問誰人見陣。走一遭。那吒應曰。吾愿往。子牙許之。那吒登

風火輪。提火尖鎗。奔出營來。王豹見一將登風火輪而來。

忙問曰。來者莫非哪吒麼。哪吒答曰。然也。搖鎗就刺。王豹的畫戟。急架恠迎。王豹知哪吒是闡教門下。自思。打人不過先下手。正戰間。發一劈面雷。來打哪吒。不知這雷。只好傷別人。哪吒乃是蓮花化身之客。他見雷聲至。火焰來。把風火輪一登。輪起空中。雷發無功。哪吒祭起乾坤圈去。正中王豹頂門。打昏落馬。哪吒復一鎗刺死。梟了首級。號令回營。來見子牙。備言前事。子牙大喜。且說徐蓋聞報。王豹陣亡。暗思。二將不知時務。自討殺身之禍。不若差官納降。以免生民塗炭。正憂疑之際。忽報有一陀頭來見。徐蓋命請來。道人進府。至殿前打稽手曰。徐將軍。貧道稽手。徐蓋

曰。請了道者至此。有何見諭。道人曰。將軍不知。吾有一門徒。名喚彭遵。喪于雷震子之手。特至此爲他報仇。徐蓋曰。道者高姓大名。道人曰。貧道姓法。名戒。徐蓋見道人有些仙風道骨。忙請上坐。法戒不謙。欣然上坐。徐蓋曰。姜子牙。乃崑崙道德之士。他帳下有三山五岳門人。恐不能勝他。法戒曰。徐將軍放心。我連姜尚。俱與你拿了。以作將軍之功。徐蓋曰。若如此。乃是老師莫大之恩。恠問老師。是素是輩。法戒曰。持齋。我不用甚東西。一夕無詞。次日法戒提劍在手。逕至周營。坐名要請姜子牙答話。探馬報入中軍。有一陀頭請元帥答話。子牙傳令。帶衆門人出營來。會這陀

頭只見對面並無士卒。獨自一人。怎見得

赤金箍。光生燦爛。皂蓋服。白鶴朝雲。絲絲懸水火頂上。焰光生。五遁三除。無比賽。胸藏萬象。包成。自幼根深。成大道。一時應墮紅塵。封神榜上。沒他名。要與子牙賭勝。子牙把四不相。催至軍前。見法戒曰。道者請了。法戒道。姜子牙。久聞你大名。今日特來會你。子牙曰。道者姓甚名誰。法戒曰。我乃蓬萊島煉氣士。姓法名戒。彭遵是吾門下。死于雷震子之手。你只叫他來見我。免得你我分顏。雷震子在傍聽得。舌尖上丟了一個霹靂。大怒罵曰。討死的潑道。吾來了。把風雷二翅。飛在空中。將黃金棍劈面打來。法戒

手中劍急架。忙迎。兩下裡大戰。有四五回合。法戒跳出圈。子牙取出一幡。對着雷震子一混。雷震子跌在塵埃。徐蓋左右軍士。將雷震子拿了。雖然網將起來。只是閉目。不知人事。法戒大呼曰。今番定要擒姜尚。傷有哪吒。大怒罵曰。妖道用何邪術。敢傷吾道兄也。登開風火輪。搖開火尖槍。來戰法戒。法戒未及三四回合。忙把那幡取出來。也混哪吒。哪吒乃蓮花化身。却無魂魄。如何混得動他。法戒見哪吒在風火輪上。安然不能跌將下來。已自着忙。哪吒見法戒拿一首幡在手內。混知是左道之術。不能傷已。忙祭乾坤圈打來。法戒躲不及。打了一交。哪吒方欲用鎗來刺。法

戒已借土遁去了。子牙收兵回營。見折了雷震子。心下甚惱。納悶在中軍。且說法戒被哪吒打了一圈。逃回關內。徐蓋見法戒着傷而回。便問老師。今日初陣。如何失機。法戒曰。不妨。是吾誤用此寶。他原來是靈珠子化身。原無魂魄。焉能擒他。忙取丹藥。吃了一粒。即時全愈。分付左右。且把雷震子搵來。法戒對雷震子。將旛右轉兩轉。雷震子睜眼一觀。已被擒捉。法戒大怒。罵曰。爲你這厮。反被哪吒打了我一圈。命左右拿去殺了。徐蓋在傍解曰。老師旣來爲我。末將且不可斬他。暫監在囹圄之中。候解往朝歌。俟天子發落。表老師莫大之功。亦知末將請老師之微功耳。看官

此是徐蓋有意歸周。故假此言遮節。法戒聽說笑曰。將之言。甚是有理。正是

徐蓋有意歸周主。

不怕陀頭道術高。

話說法戒次日出關。又至周營。搦戰。軍政官報與子牙。子牙隨即出營。令戰。大呼曰。法戒今日與你定個雌雄。催開四不相。仗劍直取法戒。手中劍赴面迎來。戰未及數合。傷有李靖。縱馬搖畫桿戟。來助子牙。子牙祭起打神鞭。連來打法戒。不知此寶。只打得神法戒非封神榜上之人。正是

封神榜上無名字。

不怕崑崙鞭一條。

話說子牙祭鞭來打法戒。不意被法戒將鞭接去。子牙着

聖祖演義 四
忙。忽然土行孫催糧到營前。見法戒將打神鞭接去。土行孫大怒。走向前大呼曰。吾來也。法戒見個矮子。用條鉄棍打來。法戒仗劍迎戰。三人正殺在一處。不意楊戩也催糧來至。見土行孫大戰陀頭。走馬舞三尖刀。亦來助戰。子牙見楊戩來至。心中大喜。兩員運糧官雙戰法戒。正是天數不由人不意。鄭倫催糧也到。鄭倫見土行孫楊戩雙戰道。人。鄭倫自思曰。今日四人戰這陀頭不下。畢竟是左道之人。我也是督糧官。他成得功。我也成得功。將金精獸催開。冲殺過來。就把子牙喜不自勝。子牙兜回。因不相傳令。軍士搥鼓助戰。法戒被三運督糧官裹住。該心不得落空。總

有法寶如何使用。只見土行孫那鉄棍在三路上下打了幾棍。法戒意欲逃走。鄭倫見土行孫成功。恐法戒逃遁。忙將鼻竅中兩道白光。哼出來。法戒聽得不知是甚麼東西。啊。忙擡頭一看。看見兩道白光。正是

眼見白光出鼻竅。三魂七魄去無踪。

話說法戒跌倒在地。被烏鴉兵生擒活捉。綁了子牙。用符印鎮住了法戒的泥丸宮。掌得勝鼓回營。法戒方睜開眼。見渾身上了繩索。嘆曰。豈知今日在此地。候遭毒手。追悔無及。只見子牙陞帳坐下。三運官來見子牙。子牙曰。三運得功不小。獎諭三運官曰。

運督軍需。智擒法戒。玄機妙筭。奇功莫大。
子牙獎諭畢。三員官稱謝子牙。子牙傳令推法戒來。衆軍
卒將法戒推至中軍。法戒大呼曰。姜尚。你不必開言。今日
天數合該如此。正所謂大海風波見無限。誰知小術反擒
吾。可知是天命耳。速將軍令施行。子牙曰。既知天命。爲何
不早降命。左右推出去斬了。衆軍士把法戒擁至轅門。方
欲行刑。只見一道人作歌而來。

歌曰。

善惡一時忘念。榮枯都不關心。晦明隱現任浮沉。隨分
饑食渴飲。靜坐蒲團存想。昏曠便有魔侵。故將惡念阻

明君何苦紅塵受刃。

歌罷大呼曰。刀下留人。不可動手。你與我報知元帥說準。
提道人來見。楊戩忙報與子牙曰。有西方準提道人來至。
子牙同衆門人迎接至轅門外。請準提道人進中軍。準提
曰。不必進營。貧道有一言奉告。法戒雖然違天阻逆。元帥
理宜正法。但封神榜上無名。與吾西方有緣。貧道特爲此
而來。望子牙公慈悲。子牙曰。老師分付。尙豈敢違。傳令放
了。準提上前扶起法戒曰。道友。我那西方絕好景致。請道
兄皈依。

西方極樂真幽境。風清月朗天籟定。白雲透出引祥光。

流水潺湲如谷應。猿嘯鳥啼花木奇。菩提路上芝蘭勝。
松搖巖壁散烟。招彩鳳。七寶林內更逍遙。

八德池邊多寂靜。遠列巔峯似挿屏。盤旋溪壑如幽磬。
曇花開放滿座香。舍利玲瓏超上乘。崑崙地脉發來龍。
更比崑崙無命令。

話說準提道人道罷西方景致。法戒只得皈依。同準提辭
了衆人回西方去了。後來法戒在舍衛國化都它太子得
成正果。歸于佛教。至漢明章二帝時。與教中國。大開沙門。
此是後事。不表。且說介牌關王將見法戒被擒。忙命左右
將圍圍中雷震子放了。開關。同雷震子至轅門納降。探馬

報入中軍。啓元帥雷震子轅門等令。喜坐命令來。

雷震子至帳前。對子牙曰。徐蓋久欲歸周。屢被衆將阻撓。
今特同弟子獻關納降。不敢擅入。在轅門外聽令。子牙傳
令。令來。徐蓋縞素進營。拜倒在地。啓曰。末將有意歸周。無
柰左右官將不從。致羈行旌。屢獲罪戾。納款已遲。死罪死
罪。望元帥海宥。子牙曰。徐將軍既知天命歸周。亦不爲遲。
何罪之有。忙令請起。徐蓋謝過。請子牙進關。安撫軍民。子
牙傳令。催人馬進關。子牙陞銀安殿。一面迎請武王。一面
清查戶口庫藏。次日武王駕進介牌關。衆將迎接。武王上
銀安殿。參謁畢。王曰。相父勞心遠征。使孤不得與相父共

享承平孤心不安子牙曰老臣以天下諸侯爲重民坐水火之中故不敢逆天以昏安樂子牙領徐蓋拜見武王武王曰徐將軍獻關有功命設宴犒賞三軍一宵已過次日子牙傳令起兵前取穿雲關放砲起程三軍吶喊不過八十里一關止半日之間前哨探馬報入中軍前軍已抵穿雲關下子牙傳令放砲安營正是

戰將東征如猛虎

營前小校似獍狼

話說穿雲關主將徐芳乃是徐蓋兄弟徐芳聞知兄長歸周只急得三屍神爆跳口鼻內生烟大罵匹夫不顧父母妻子失身反叛苟啣爵位遺臭萬年恁點聚將鼓衆將俱

上殿參謁徐芳曰不幸吾兄忘親背君苟啣富貴獻了關隘已降叛臣但我一門難免戮身之罪爲今之計必盡擒賊臣以贖前罪方可只見先行官龍安吉曰主將放心待末將先拿他幾員賊將解往朝歌請罪然後俟擒渠魁以贖前愆以顯忠蓋則在將滿門良眷自然無事矣徐芳曰此言正合吾意只願先行與諸將協力同心以勦叛逆上報主恩吾之願也其他亦非所顧忌衆將商議不表且說次日子牙陞帳問曰誰取穿雲關走一遭徐蓋應聲曰啓元帥穿雲關主將乃是末將之弟不用張弓隻箭末將說舍弟歸周以爲進身之資子牙大喜曰將軍若肯如此真

爲不世之奇功。豈止進身而已。徐蓋上馬至關下。大叫曰。左右開關。守關軍卒不敢擅自開關。慌報入帥府。啓主帥。有大老爺在關下叫關。徐芳大喜。快令開關。請來把關軍士去了。徐芳分付左右埋伏刀斧手兩傍伺候。不一時。左右開關。徐蓋不知親弟有心拿他。徐蓋進關來。至府前下馬。逕至殿前。徐芳也不動身。問曰。來者何人。徐蓋大笑曰。賢弟爲何見我至此。而猶然若不知也。徐芳大喝一聲。命左右拿了。兩邊跑出刀斧手。將徐蓋拿下綁了。徐芳曰。辱沒祖宗匹夫。你降反賊。也不顧家眷遭殃。今日你自來至此。正是祖父有靈。不令徐門受屠戮也。徐蓋大罵曰。你這

不知天時的匹夫。天下盡已歸周。紂王忘在旦夕。何況你這彈丸之地。敢抗拒弔民伐罪之師。你要做忠臣。你比蘇護黃飛虎如何。洪錦鄧九公如何。我今被你所擒。死固無足惜。但不知何人擒你。以泄吾忿也。徐芳傳令。把這逆命的匹夫且監候。俟拿了周武姜尙。一齊解往朝歌正罪。左右將徐蓋監了。徐芳問誰爲國討頭陣。走一遭。一將應聲而出。乃正印先行官。神州將軍馬忠。願往。徐芳許之。馬忠領令開關。砲聲响處。殺至周營。報馬報入中軍。啓元帥。穿雲關有將搦戰。子牙曰。徐蓋休矣。忙令哪吒去取關。就探徐蓋消息。哪吒領令上了風火輪。出得營來。見馬忠金甲

紅袍威風凜凜。哪吒走至軍前。馬忠曰：來者莫非是哪吒否？哪吒曰：然也。你既知我，爲何不倒戈納降？馬忠怒曰：無知匹夫，你等妄自稱王，逆天反叛，不守臣節，侵王疆土，罪在不赦。不日拿住你等，粉骨碎身，尚自不知，猶且巧言餞舌。哪吒笑曰：吾看你等好一似土蛙腐鼠，傾刻便爲麤粉。何足與言？馬忠大怒，搖手中鎗，飛來直取哪吒的鎗。閃爍光明，輪馬相交，雙鎗並舉，殺至穿雲關下。正是

馬忠神烟無敵手。

只恐哪吒道德高。

馬忠知哪吒是道德之士，手段高強，自思我若不先下手，恐他先弄手脚，却不爲美。馬忠把口一張，只見一道黑烟

噴出，連人帶馬都不見了。哪吒見馬忠黑烟噴出口，逃在一塊，忙將風火輪登起，把身子一搖，現出八臂三首，藍臉獠牙，起在空中。馬忠在烟裡看不見哪吒，急收神烟。正欲回馬，只聽得哪吒大叫：馬忠休走，吾來了。馬忠擡頭見哪吒三頭八臂，藍面獠牙，在空中趕來。馬忠說得魂不負體，撥馬就走。哪吒忙將九龍神火罩拋來，罩住馬忠。復把手一拍，罩裡現出九條火龍，圍繞雲時，馬忠化爲灰燼。怎見得有詩爲証。

詩曰

乾元玄妙授來真。

秘有靈符法更神。

火棗瓊漿原自異

馬忠應得化微塵

話說哪吒燒死馬忠。收了神火。單得勝回營來。見子牙。備言燒死馬忠一事。子牙大喜。慶功不表。只見報馬報入關中。啓主帥馬忠被哪吒燒死。徐芳大怒。傍邊轉過龍安吉。曰。馬忠不知淺深。自恃一口神烟。故有此敗。待末將明日成功。拿幾員反將。解往朝歌請罪。次日龍安吉上馬出關。前來搦戰。哨馬報入中軍。子牙問誰人出馬。只見武成王黃飛虎上帳。曰。末將願往。子牙許之。黃飛虎上了五色神牛提鎗出營。龍安吉見一員周將。怎見得。有詩爲証。

詩曰

慣戰能爭氣更揚

英雄猛烈性堅強

忠心不改歸周主

鐵面無回棄紂王

青史名標真義士

丹臺像列是純良

至今伐紂稱遺跡

留得聲名萬古香

龍安吉大呼曰。來者何人。飛虎曰。吾乃武成王是也。龍安吉曰。你就是黃飛虎。反叛成湯。釀禍之根。今日正要擒你。催開馬。搖手中斧來取。黃飛虎手中鎗。急架忙迎。二將相交。鎗斧並舉。大戰五十餘合。二將真是棋逢敵手。將遇作家。龍安吉見黃飛虎的鎗法。毫無滲漏。心下暗思。莫與他賣弄精神。把鎗一挑。錦囊中取出一物。望空中一丟。只聽

得。有。叮。噹。之。聲。龍。安。吉。曰。黃。飛。虎。看。吾。寶。貝。來。也。黃。飛。虎。不。知。何。物。擡。頭。一。看。早。已。跌。下。鞍。韉。關。內。人。馬。吶。一。聲。喊。將。黃。飛。虎。生。擒。活。捉。繩。纏。索。綁。拿。進。穿。雲。關。去。了。報。馬。報。入。中。軍。啓。元。帥。黃。飛。虎。被。擒。子。牙。大。驚。曰。怎。樣。的。拿。去。掠。陣。官。回。曰。正。戰。之。間。只。見。龍。安。吉。丟。起。一。圈。在。空。中。有。叮。噹。之。聲。黃。將。軍。便。跌。下。坐。騎。因。此。被。擒。子。牙。聽。說。不。悅。此。又。是。左。道。之。術。且。說。龍。安。吉。將。黃。飛。虎。拿。進。穿。雲。關。來。見。徐。芳。黃。飛。虎。站。立。言。曰。吾。被。邪。術。拿。來。願。以。一。死。報。國。恩。也。徐。芳。罵。曰。真。是。匹。夫。捨。故。主。而。投。反。叛。今。反。說。欲。報。國。恩。何。其。顛。倒。耶。且。監。在。監。中。徐。蓋。見。黃。飛。虎。來。至。叱。慰。曰。

不。才。惡。弟。不。識。天。時。恃。倚。邪。術。不。意。將。軍。亦。遭。此。羅。網。之。厄。黃。飛。虎。點。頭。無。語。惟。有。咨。嗟。而。已。話。說。徐。芳。治。酒。與。龍。安。吉。賀。功。次。日。又。至。周。營。搦。戰。子。牙。問。誰。敢。出。馬。只。見。洪。錦。出。馬。來。至。陣。前。看。見。是。龍。安。吉。龍。安。吉。曾。在。洪。錦。帳。下。爲。偏。將。洪。錦。曰。龍。安。吉。你。今。見。故。主。爲。何。不。下。馬。納。降。尚。敢。支。吾。耶。龍。安。吉。笑。曰。反。將。洪。錦。何。得。多。言。我。正。欲。拿。你。等。解。進。朝。歌。以。正。國。法。爾。何。不。知。進。退。尚。敢。巧。言。也。發。馬。就。殺。刀。斧。並。舉。龍。安。吉。祭。起。一。圈。起。在。空。中。不。知。此。圈。兩。個。左。右。翻。覆。如。太。極。一。般。扣。就。陰。陽。連。環。雙。鎖。此。圈。名。曰。四。肢。酥。此。寶。有。叮。噹。之。聲。耳。聽。眼。見。渾。身。四。肢。骨。解。筋。酥。

手足齊軟。當時洪錦聽見空中響。擡頭一看。便坐不住。鞍
韉。跌下馬來。又被龍安吉拿了進關。洪錦自思。此賊昔在
吾帳下。我就不知他有這件東西。悞陷匹夫之手。左右將
洪錦推至殿前。來見徐芳。徐芳大喜。曰。洪錦。你奉命征討。
如何反降逆賊。今日將何面目。又見商君也。洪錦曰。天意
如此。何必多言。吾雖被擒。其志不屈。有死而已。徐芳傳令。
且送下監去。黃飛虎見洪錦也。至監中。各各嗟嘆而已。子
牙又聽得探馬報進營來。言洪錦被擒。子牙心下十分不
樂。次日報龍安吉又來搦戰。子牙問誰去見陣。只見南宮
适出馬。與龍安吉戰有數合。被龍安吉仍用四肢酥。拿進

關來。見徐芳。徐芳分付也。送下監中。只見報馬報與子牙。
子牙大驚。傍有正印先行。哪吒言曰。這龍安吉。是何等妖
術。連擒數將。待末將見陣。便知端的。不知龍安吉性命如
何。且聽下回分解。

總批 法戒馬忠龍安吉皆有一技之能。俱恃爲取勝之
術。一遇勁敵。便至敗亡。理也。獨法戒竟爲西方有
緣。化去。幸免於死。然則緣也是不可不結的。獨恨
近日之和尚。於婦女之燒香拜佛時。符盤化錢。動
日結緣去。然則此緣可結乎。更有一種賊禿淫僧。
假言講經。宣卷。男女叢聚。不分老少。輒以此一字

反復開論。誘惑婦女。竟墮其術。須釀成奸淫之藪。不勝枚舉。良可悲夫。有閨門之責者。不可預爲之防乎。

又批

法戒與龍安吉二件寶物。一日引魂幡。一日四肢酥。立此二名字。俱是婆心說法。引魂幡一動。則人之魂魄皆飛七尺委地。四肢酥一響。則人之骨解筋酥。四肢莫救。可畏也。今人自思。誰家不有此二物。豈可在其酥骨引魂。令七尺委地。四肢莫救。可乎。真是勸世最上一乘。

第八十回

楊任下山破瘟司

詩曰

瘟瘟傘蓋屬邪巫。

疫癘閻浮盡若屠。

列陣兇頑非易破。

着人在燥豈能蘇。

須臾遍染家家盡。

頃刻傳尸戶戶殂。

只爲子牙災未滿。

穿雲關下受崎嶇。

話說哪吒上了風火輪。前來關下搗陣。大呼曰。左右的。傳與你主將。叫龍安吉出來見我。徐芳聞報。命龍安吉出陣。龍安吉領命出得關來。見哪吒在風火輪上。心下暗思。此人乃是道術之士。不如先祭此寶。易於成功。龍安吉至軍

前問曰。來者可是哪吒麼。道罷。哪吒未及答應。就是一鎗。哪吒的鎗。赴面相迎。輪馬交還。只一合。龍安吉就祭四肢。酥丟在空中。大叫哪吒。看吾寶貝。哪吒擡頭看時。只見陰陽扣。就如太極環一般。有叮噹之聲。龍安吉不知哪吒是蓮花化身。原無魂魄。焉能落下輪來。倏然此圈落在地下。哪吒見圈落下。不知其故。龍安吉大驚。正是

鞍轡慌壞龍安吉。

豈意哪吒法寶來。

話說哪吒又現出三頭八臂。祭起乾坤圈。大呼曰。你的圈不如我的。也還你一圈。龍安吉躲不及。正中頂門。打下馬來。哪吒復加上一鎗。結果了性命。哪吒梟了首級。進營來。

見子牙取了龍安吉首級。子牙大喜。且說報馬報知徐芳。徐芳大驚。只見左右無將。朝廷又不點官來協守。止得方義真一人而已。如之奈何。怏修本遣官齋赴朝歌。不表。忽見左右來報。府前有一道人。要見老爺。徐芳怏傳令請來。少時見一道人。三隻眼。面如藍靛。赤髮獠牙。逕進府來。徐芳降階迎接。請上殿。與道人打稽手。徐芳尊道人上坐。徐芳問曰。老師是那座名山。何處洞府。道人曰。貧道乃九龍島煉氣士。姓呂名岳。吾與姜尚有不世之仇。今特來至此。借將軍之兵。以覆昔日之恨。徐芳大喜。成湯洪福。天齊又有高人來助。治酒相待。一宿。晚景不提。却說次日。呂岳出

關至營前。請子牙答話。報馬報入中軍。啓元帥有一道人請元帥答話。子牙不知是呂岳。分付點袍出營。來至營前。看見對陣。乃是呂岳。不覺可笑。豈意子牙兩邊衆門人。一見呂岳。人人切齒。個個咬牙。子牙曰。呂道友。你不知進退。尚不愧顏。當日既得逃生而去。今日又爲何復投死地也。呂岳曰。我今日來時。也不知誰死誰活。只見雷震子大吼一聲。罵曰。不知死的匹夫。吾來了。展開二翅。飛在空中。好黃金棍。夾頭打來。呂岳手中劍。急架。連金吒步行。用雙劍劈頭砍來。木吒囑聲大罵。滾道。不要走也。吃吾一劍。李靖帶護。哪吒衆門人。一齊擁上前來。將呂岳困在垓心。怎

見得有詩爲証。

詩曰。

殺氣迷空透九重。

一千神聖逞英雄。

這場大戰驚天地。

海沸江翻勢更兇。

話說衆門人圍住了呂岳。呂岳現出三首六臂。祭起列瘟印。把雷震子打將下來。衆門人齊動手。救回子牙。把打神鞭祭起空中。正中呂岳後背。打得三昧火迸出。敗回穿雲關來。呂岳進關。徐芳接住。安慰曰。老師今日會戰。其實利害。呂岳曰。今日出去早了。等吾一道友來。再出去。便可成功。話說子牙進營。見雷震子着傷。心下又有些不悅。且自

不題。只見呂岳在關上。一連住了幾日。不一日來了一位道者。至府前對軍政官曰。你與主將說。有一道人求見。軍政官報入。呂岳曰。請來。少時一道人進府。與呂岳打了稽首。與徐芳行禮坐下。徐芳問呂岳曰。此位老師。高姓大名。呂岳曰。此是吾弟陳庚。今日特來助你。共破子牙。併擒武王。徐芳稱謝不盡。忙治酒款待。呂岳問陳庚曰。賢弟前日所煉的那件寶貝。可曾完否。陳庚答曰。爲等此寶完了。方纔趕來。所以來遲。明日可以會姜尚耳。正是

煉就奇珍行大惡。

誰知海內有高明。

一宿晚景無詞。只至次日。呂岳命徐芳選三千人馬出關。

來會子牙。徐芳親自掠陣。不表。且說子牙陞帳。與衆門人曰。今日呂岳又來阻吾之兵。你們各要仔細。正議間。左右來報。楊戩轅門等令。子牙傳令。令來。楊戩來至帳前。行禮畢。言曰。奉令催糧無誤。子牙曰。如今呂岳又來阻住穿雲關。楊戩曰。呂岳乃是失機之士。何敢又阻行旌。話由未了。只見軍政官來報。呂岳會戰子牙。忙傳令出營。率領衆將。與諸門人。隨子牙來至營前。呂岳曰。姜子牙。吾與你有勢不兩立之仇。若論兩教作爲。莫非如此。且你係元始門下。道德之士。吾有一陣。擺與你看。但你認得吾。便保周伐紂。若是認不得。我與你立見高低。子牙曰。道友。你何不自守。

清淨。往往要作此業障。甚非道者所爲。你旣擺陣。請擺來。我看。呂岳同陳庚進陣。有半個時辰。擺成一陣。復至軍前。大呼曰。姜子牙請看吾陣。子牙同哪吒、楊戩、韋護、李靖。上前來。楊戩曰。呂道長。吾等看陣。不可發暗器傷人。呂岳曰。爾乃小輩之言。我自堂堂之陣。正正之旗。豈有用暗器傷你之理。子牙同衆人往前後看了一遍。渾然一陣。又無字跡。如何認得。子牙心中焦燥。此必是不可攻伐之陣。又是左道之術。子牙忽然想起元始四偈。介牌關下遇誅仙。穿雲關底受瘟癘。此莫非是瘟癘陣麼。楊戩曰。待弟子對他說。吾師元始之言。莫非是瘟癘陣麼。楊戩曰。待弟子對他說。

二人商議停當。回至軍前。呂岳曰。子牙公識此陣否。楊戩答曰。呂道長。此乃小術耳。何足爲奇。呂岳曰。此陣何名。楊戩笑曰。此乃瘟癘陣。你還不曾擺全。俟擺全了。吾再來破你的。呂岳聞楊戩之言。如石投大海。半晌無言。正是

爐中玄妙全無用。一片雄心付水流。

話說楊戩言罷。同衆人回營。子牙陞帳坐下。衆門人齊讚楊戩利齒伶牙。子牙曰。雖然一時回得他好看。終不知此陣中玄妙如何可破。哪吒曰。且答應他。一時再作道理。況且十絕惡陣。與誅仙這樣大陣。俱也破了。何況此小小陣圖。不足爲慮。子牙曰。雖然如此。不可不慎。古人云。人無遠

慮必有近憂。豈可因其小而忽畧衆門人。齊曰。元帥之言甚善。正議間。左右來報。終南山雲中子來見衆門人。曰。武王洪福。天齊日。有高人來濟此陣之急也。子牙忙迎出轅門。接住雲中子。二人攜手行至帳中坐下。子牙曰。道兄此來必爲姜尚。遇此瘟癘陣也。雲中子笑曰。特爲此陣而來。子牙欠身謝曰。姜尚屢遭大難。每勞列位道兄動履。尚何以消受。因請教此陣中。有何秘術。當用何人可破。雲中子曰。此陣不用別人。乃是子牙公百日之災。只至災滿。自有一人來破。吾與你伐掌帥印。調督軍事。其餘不足爲慮。子牙曰。但得道兄如此。姜尚便一死。又何足惜。况未必然乎。

子牙欣然。就將劍印付與雲中子掌管。只見左右傳與武王。武王聞知雲中子說子牙有百日之災。忙至中軍左右來報。雲中子與子牙迎接上帳。行禮坐下。武王曰。聞相父破陣。孤心不安。往往爭持。致多苦惱。孤想不若回軍。各安疆界。以樂民生。何必如此。雲中子曰。賢王不知上天垂象。天運循環。氣數如此。豈是人爲。縱欲逃之。不能。賢王放心。武王默然無語。日不言。雲中子與子牙商議破敵。且說呂岳進關。同陳庚將二十一把瘟癘傘。安放在陣內。按九宮八卦方位。擺列停當。中立一土臺。安置用度符印。打點擒拿。周將正與陳庚在陣內調度。見左右來報。有一道人要

見呂老爺呂岳曰是誰與我請來少時那道人飄然而至。呂岳一見李平來至。忙迎住喜曰。道兄此來。必是來助我一臂之力。以滅周武姜尚也。李平曰。不然。我特來勸你。吾在中途。聞你擺瘟瘟陣。以阻周兵。我故此特地前來相勸。道兄。今紂王無道。罪惡貫盈。天下共叛。此天之所以滅商湯也。武王乃當世有德之君。上配堯舜。下合人心。是運應而興之君。非草澤棄好之輩。况鳳鳴岐山。王氣已鍾久矣。道兄安得以一人。扭轉天命哉。子牙奉天征紂。伐罪弔民。會諸侯于孟津。正應滅紂于甲子。難道我李平反爲武王。不爲截教。來逆道兄之意。所以人之順逆。道兄若依我勸。

可澈去此陣。但憑武王與子牙。征伐取關。我們原係方外。閒人消遙散淡。無束無拘。又何名疆利鎖之。不能解脫。那呂岳笑曰。李兄差矣。我來誅逆討叛。正是應天順人。你爲何自己受惑。反說我所爲非也。你看我擒姜尚。武王令他片甲不回。李平曰。不然。姜尚有七死三災之厄。他也過了。遇過多少毒惡之人。十絕誅仙惡陣。他也經過也。非容易至此。古云。前車已覆。後車當鑒。道兄何苦執迷如此。李平五次三番勸不醒。呂岳此正是。

三部正神天數盡。

李平到此也難逃。

話說呂岳不聽李平之勸。差官下書知會姜尚。來破此陣。

使命齎戰書至子牙行營來至轅門左右報入中軍子牙
命令來使命至中軍朝上見禮畢呈上戰書子牙接開展
玩。

書曰

九龍島煉氣士呂岳致書于西岐元帥姜子牙麾下。竊
聞物極必返。逆天必罰。爾西岐不守臣節。以臣伐君。以
下凌上。有于綱常。得罪天地。況且以黨惡之象。屢抗敵
于天兵。仗闡教之術。復屠城而殺將。惡已貫盈。人神共
憤。故上天厭惡。特假手於吾。設此瘟癘陣。今差使致書。
早早批宣。以決勝負。如自揣不德。急急早倒戈。尚待爾不

死戰書至日速乞自裁

且說子牙看罷書。將原書批回。明日決破此陣。來使領書
回見呂岳。不表。次日雲中子在中軍。請子牙上帳。用三道
符印。前心一道。後心一道。冠內一道。又將一粒丹藥與子
牙揣在懷中。打點停當。只聽得關外砲响。報馬報進營來。
有呂岳在營前搦戰。子牙上了四不相。武王同衆將諸門
下齊至軍前。掠陣真好瘟癘陣。怎見得有讚為証。

讚曰

殺氣漫空悲風四起。殺氣漫空黑暗暗。俱是些鬼哭神
嚎。悲風四起昏鄧鄧。儘是那雷轟電掣透心寒。怎禁他

冷氣侵人解骨酥。難當他陰風撲面。遠觀似飛砂走石。
近看如霧捲雲騰。瘟疫氣陣陣飛來。火水扇翩翩亂舉。
瘟瘴陣內神仙怕。正應姜公百日災。

話說子牙至陣前。曰：呂岳，你今設此毒陣與你定決雌雄。
只怕你禍至難逃。悔之晚矣。呂岳忙催開金眼蛇。仗劍飛
來。直取子牙手中劍。急架忙迎。二人戰未及數合。呂岳掩
一劍。逕入陣去了。子牙催開四不相。隨後趕進陣來。呂岳
上了八卦臺。將一把瘟瘴傘。往下一蓋。昏昏黑黑如紅沙。
黑霧罩將下來。勢不可當。子牙一手執定杏黃旗。架住此
傘。可憐正皇。

七死三災扶帝業

萬年千載竟留芳

話說呂岳將子牙困于陣中。復出陣前大呼曰：姜尚已死。
于吾陣。叫姬發早早受死。武王在轅門聞呂岳之言。慌問
雲中子曰：老師相父若果絕于陣內。真痛殺孤家也。雲中
子曰：不妨。此是呂岳謬言。子牙該有百日之災。只見後邊
哪吒、楊戩、金木二吒、李靖、常護、雷震子一齊大呼：拿這妖
道。碎尸萬段。以泄我等之恨。呂岳、陳庚二人向前迎敵。大
戰在一處。只殺的陰風颯颯。冷霧迷空。怎見得

這幾個赤胆忠良名譽大。他兩個要阻周兵心思壞。
一低一好兩相持。數位正神同賭賽。降魔杵來得快。正直

無私真寶具這一邊。哪吒楊戩善騰挪。那一邊呂岳陳庚多作怪。刀鎗劍戟往來施。俱是玄門仙器械。今日穿雲關外賭神通。各逞英雄真可愛。一個克心不息阻周兵。一個要與武王安世界。苦爭惡戰豈尋常。地慘天昏無可柰。

話說衆人把呂岳陳庚困在該心。哪吒現了三首八臂把乾坤圈祭起。正中陳庚肩窩上。楊戩祭哮天犬把呂岳頭上咬了一口。二人逕敗進瘟癘陣去了。衆門人也不趕他。同武王進營。武王不見子牙。心中甚是不樂。問雲中子曰。相父受困于陣內。幾時方能出來。雲中子曰。不過百日之

厄。災滿自然無事。武王大驚曰。百日無食。焉能再生。雲中子曰。大王可記得在紅沙陣內。也是百日。自然無事。古云。有福之人千方百計。莫能害他。無福之人。遇溝壑也喪性命。大王不必牽掛。且不講武王納悶在帳內。度日如年。雙眉頻鎖。且說呂岳自困住了子牙。甚是歡喜。每日入陣內。三次用傘上之功。將瘟癘來毒子牙。可憐子牙。全仗崑崙杏黃旗。撐住瘟癘傘。陣內常放金花千百朵。或隱或現。保護其身。話說呂岳進關來。徐芳接住曰。老師今將姜尚困于陣內。不知他何日得死。周兵何日得勦。呂岳曰。吾自有法取之。徐芳曰。如今且把擒獲周將。解往朝歌請罪。吾另

外再作一本稱讚老師功德。併請益兵防守。呂岳曰。不必
言及吾等。你乃紂臣。理當如此。我是道門。又不受他爵祿。
言之無用。只是不可把反臣留在關內。隄防不測。這到是
緊要事。併請兵協守。再作理會。徐芳領命。怏怏把四將點
名。止了囚車。差方義真押解往朝歌請罪。正是
指望成功扶帝業。中途自有異人來。
話說方義真押解四將往潼關來。筭只有八十里。不一日
就到。且按下不表。話說青峯山紫陽洞青虛道德真君聞
暇無事。往桃園中來。見楊任在傍。真君曰。今日正該你去
穿雲關。以解子牙瘟瘟陣之厄。並釋四將之愆。楊任曰。老

師弟子。乃是文臣出身。非是兵戈之客。真君笑曰。這有何
難。學之自然得會。不學雖會也。踈真君隨入後洞。取出一
根鎗。名曰飛電鎗。在桃園裡。傳與楊任。有歌爲証。

歌曰

君不見此鎗名號爲飛電。穿心透骨不尋常。刺虎降龍
真可羨。先天鉛汞配雌雄。煉就坎離相眷戀。也能飛也
能戰。變化無窮隨意見。今日與你破瘟瘟。呂岳逢之鮮
血濺。

話說楊任乃是封神榜上之神。自然聰慧。一見真君傳授
須臾。卽會真君曰。我把雲霞獸與你騎。還有一把五火神

焰扇你帶了下山。若進陣中，須是如此。如此自然破他瘟
瘧陣。何愁呂岳不滅耳。還有黃飛虎四將，有難在中途。你
先可救他在關內，以爲接應。破陣後，裡外夾攻，定然成功。
楊任拜辭師父下山，上了雲霞獸，把頂上角拍了一把。那
騎四蹄自然生起雲彩，望空中飛來。正是

莫道此獸無好處。

曾赴蟠桃四五番。

且說楊任霎時已至潼關離城有三十里遠，只見方義真
解着犯官前進，旗幡上大書解岐周反將黃飛虎南宮适
等名字。楊任落下獸來，阻住去路，大呼曰：「來將那裡去。」
軍士一見楊任，生的古怪，蹣蹣眼，眼眶裏長出兩隻手來，手心

裏反有兩隻眼睛，騎着一疋神獸，五柳長髯，飄揚腦後。軍
士見之，無不駭然。飛報與方義真，真啓上將軍前邊來了個
古怪異人，阻住了路。方義真仗自己胸襟，把馬一夾，走出
車前，見楊任如此行狀，從來也不曾有這樣的相貌。心中
也自着驚，大呼曰：「來者何人？」楊任終是文官出身，言語自
然輕柔，乃應曰：「不須問我，吾乃上大夫楊任是也。」將軍天
道已歸明主，你又何必逆天行事，自取滅亡也。方義真曰：
「吾奉主將命令，押解周將往朝歌請功，你爲何阻吾去路？」
楊任曰：「吾奉師命下山來破瘟瘧陣，今逢將軍押解周將，
理宜救護我勸將軍，不若和我歸了武王，正所謂應天順

人不失封侯之位。有何不可。方義真見楊任。低言悄語。不把楊任放在心上。把手中鎗一舉。大喝曰。逆賊休走。吃吾一鎗。楊任忙用手。中鎗急架相還。兩家大戰。未及數合。楊任恐軍士傷了。被擒官將。忙用五火神焰扇。照着方義真一扇。搨去。楊任不知此扇利害。一聲响。怎見得可憐。有詩

詩曰

烈焰騰空萬丈高

金蛇千道逞英豪

黑烟捲地紅三尺

煮海翻波咫尺消

話說楊任把扇子一搨。方義真連人帶馬。化一陣狂風去。

了。眾軍士見了。吶一聲喊。抱頭棄兵。奔走回關。且說黃飛虎等。見楊任這等相貌。知是異人。忙在陷車中問曰。來者是那一位尊神。楊任認得是黃飛虎。俱是一殿之臣。忙下了雲霞獸。口稱黃將軍。我非別人。不才便是上大夫楊任。因紂王失政。起造鹿臺。我等直諫昏君。將吾剷去。二日多。虧道德真君。救吾上山。將兩粒仙丹。納放目中。故此生出。手中之眼耳。今特着我下山。來破瘟癘陣。先救將軍等。故效此微勞耳。隨放了四將。四將謝過了楊任。只是咬牙深恨。楊任曰。四位將軍。且不必出關。且借住民家。待吾破了瘟癘陣。那時率眾取關。公等可作內應。只聽砲聲為號。不

可有悞。黃飛虎等感謝楊任。自投關內民家去了。且說楊任上了雲霞獸。出穿雲關。來至周營。下了雲霞獸。軍政官見了大驚。楊任曰：「早報於武王。吾非反人也。」報馬報入中軍。有異人求見。雲中子知是楊任來了。忙傳令請進中軍。諸將見了各自駭然。楊任見雲中子下拜曰：「師叔在此。料呂岳何能爲患。」雲中子安慰謝畢。請起與衆門人相見。楊任來見武王。武王大驚。問其原故。楊任把紂王剋日之事。又說了一遍。武王大喜。命治酒款待楊任。又將救了四將事表過。吾師特命不才來破瘟癘陣耳。雲中子曰：「你來的正好。還差三日。正是百日之厄。完滿衆門人見又添楊任。」

各有歡喜之色。不覺過了三日。次日清晨。周營砲响。大隊齊出一千周將。與衆門人。併武王雲中子。齊至轅門。看楊任破瘟癘陣。楊任至陣前。大呼曰：「呂岳何不早來見我。只見陣內呂道人現了。三首六臂。手搥寶劍而出。見楊任相貌異常。心下也自驚駭。忙問曰：「你是何人。通箇名來。」楊任曰：「吾乃道德真君門下楊任是也。今奉師命下山。特來破你瘟癘陣。」呂岳笑曰：「你不過一小童耳。敢出大言。仗劍來取。」楊任飛電鎗。急架相迎。二獸相交。鎗劍並舉。戰未三合。呂岳掩一劍望陣中而走。楊任大呼：「吾來也。」楊任進陣。不知凶吉如何。且聽下回分解。

總批

呂岳昔日在西岐逃去。幸而不死。自當改過遷善。如何又來這裡阻逆周兵。只討送去了性命。方罷。何其痴愚若此。予見他對徐芳曰。我又不受他爵祿。據此觀之。乃是好事之人。

又批

李平特來爲子牙解釋。極是姪意。又知子牙有七死三災之厄。然而於自己則不知。反來奏數。此是好事之過。透却本心。倘當日只在山裡坐。那討殺身之禍。今日之招攬多事者。宜當鑑戒。

